



秋崖先生小藁卷之九

方岳

巨山

啓

謝除禮兵部架閣添差制幹

伏以贊畫戎垣恍失邯鄲之步策名故府又爲淮海之遊江山未厭於逢迎歲月幾何其契闊一陶厚矣再駕瞿然伏念某蠹簡故貧牛衣猶暖半畦夜雨甘自隨黃獨之鏡兩鬢秋風已不作青衫之夢等輩迫之於場屋詞章奚有於度程亦惟山林鄙野之人未解世俗媵阿之語寧爲鷄口雖別闈先諸子之鳴幾上鰲頭而當路斥老生之蘘時已不偶今其謂何故

方解撥禎於田間未免化堯鑿於塞上每懷士稚風
濤作擊楫之聲竊憤元顏沙草瘞盜邊之骨顧頻年
之多事豈吾國而無人乃飛塵餘鞞鞞之腥而淒雨
嘯變魑之鬼寧復煙火萬里之氣象祗傷山河兩戒
之圖書恨無能為惟有痛哭謂此曹宜束高閣請竢
太平矧多病欲歸故廬自知坎壈夫何誤溼仍糞舊
知與聞典故之藏增重賓僚之遣繫錯節盤根之無
取然輕車熟路之可尋乃藥楊州歎已老三生之杜
牧桃花春觀笑重來前度之劉郎大哉坎壈之中容
此么微之賤茲蓋恭遇以帝典熙庶績以皇極受羣
材日月亭午而無斜陰已開治象天地既交而成泰

道盡入鈞衡念窮邊有北徽猗之憂屬大相重東諸
侯之寄遂使菁莪之樂育亦勤棫樸之能官某敢不
夙夜在公東西唯命文書盈於几閣固非庸陋之堪
任勝筭運於籌帷式覲艱難之共濟庶洒腐儒之恥
用酬真相之知

謝制使趙端明

伏以無補玉垣滿當解去誤塵金耀趣使復來蓋三
騰薦襪之章喜再有依劉之幸自嘲元白倍費雌黃
伏念某起山林憔悴之餘極門地單平之最抱璞而
泣莫知我兮鼓瑟雖工其誰好者何一望末光之始
如三生夙契之歡政以冷官愁紫邏之雲乃不暖席
入青油之幕癖而自信眠胃中耿耿者尚存愚且弗

移與世間落落而難合敢圖國士之遇獨推男子之
竒行天下得此於人固亦寡矣觀遠臣以所爲主若
將終焉適老親一病之幾危而羈官百憂之交集兄
伯遽沉於泉壤室廬又化於灰埃坐銷少日之壯心
每滴故鄉之老淚居官何樂幸已逝及瓜之期將父
言歸豈但爲誅茅之計用不憚家山之幽阻亦詎知
俗駕之勒回粵思故府之藏仍贊元戎之畫斬新秋
色又憶松江之鱸依舊春風重跨揚州之鶴世有推
之去耳誰肯遮而留之永懷此恩欲報無所茲蓋恭
遇以身許國以人事君謂安邊竟立功名雖不假一
狐之腋然識時務在俊傑尚或取九牛之毛旋觀大
幕之間尤增敝帚之重雅相歎賞實異等倫故凡奏
牘於公車罔俾謝恩於私室蓋他人知其一未知其
二何有何亡獨我公至於再而至于三不進不已遂
還去馬無棄前魚某敢不銘而書紳行矣樸被丈夫
當濟四海何必中朝之官烈女不踐二庭寧負平生
之志勉圖已試無忝所知

謝吳總侍

伏以身落邊城久矣思鱸之夢名聯故府居然騎鶴
之遊所憂負臨賀之知敢曰失却鄆之步亦云幸甚
請具陳之伏念某起山林憔悴之餘極場屋摧頽之
久抱璞而泣莫我知兮鼓瑟雖工其誰好者儻不遇
天下第一人之傑將復有平時日五色之迷蓋刑賞
忠厚之文前輩猶疑其門下士而寘之次惟有物混

成之賦識者始覘爲公輔器而擢之魁故雖試別闈而主司喜韓愈之竒然至對殿廬則當路斥子由之直方抖擻田間之襍槩竟低回塞上之梵整所賴王人實維座主謂夜半旣傳於衣鉢豈春風不實於襟懷逢人而說項斯何惜牙齒之潤下車而薦文舉相期羽翼之成夫何俗駕之勒回大負公車之剡進乃典司於金耀仍畫諾於玉垣芍藥揚州歎已老三生之社牧桃花春觀笑重來前度之劉卽第懷此恩欲報無所茲蓋恭遇興禮樂如諸葛亮而無其短陳天人如董仲舒而無其迂以皇極受人材蓋將爲他日股肱之備以論語治天下豈惟滋後生口耳之傳用能得士於履屐之間每亦觀人於筆墨之外遂還去

馬毋棄前魚某敢不銘而書紳行矣樸被所考試士踵爲宰相當不愧權德輿之知問無恙外賀得主人幸自致李中丞之側求言稱塞惟有好修

謝廟堂

天地開除一賢柱石山林深密羣蟄風霆故雖肖翹蠢動之微亦在坱圠陶鈞之數偉哉造化可以隆平某聞持天下國家猶權衡此首輕則彼尾重譬君子小人若冰炭衆陰長則微陽消試嘗還觀二三年以來豈但可爲六太息而已朋比成痼寒之疾姦諛推狂倒之瀾夫然故舉世無公是非盡網空諸賢之去而未已此身有小利害擲筆嘆名節之壞而不慙厥有繇哉嘻其甚矣聖上離照於久儲神之後乾旋於

一及手之間爰立真儒旁招俊彥昔何爲者歟鯨畫
舞而狐狸夜號今則易然蟋蟀秋吟而蟬游陰出弓
旌所及冠蓋相望孰云風飛雷厲之初亦起月釣雲
耕之輩如某者晚未聞道愚不識時木居士經幾度
春自憐傳癖毛錐子乃作此崇蓋坐文窮鬼擘口而
草東楸之書璞則足而種南山之豆三年牛下謂休
此生一沈鷗邊敢作他夢適會我公之大用遽令去
婦之復還上方稽之乾道而等之紹興聿咨薦進士
雖棄於熙寧而用於元祐何愧行藏我儀圖之孰主
張是茲蓋恭遇以伊訓任天下之重以戴經統吾道
之傳立大政興太平世賴有股肱之喜開衆正杜群
枉帝知無毫髮之私用能索之麋鹿之羣曾不棄此
蟲魚之註某敢不賦菁莪之樂育連茅茹之彙征幼
而學壯而行儻遂書生之志人所棄我所取難忘國
士之知苟負初心有如皦日

謝執政臺諫

雲耕月釣久坐文窮地闢天開聿回造化造雖亡羊之
惑可爲扼腕而屈蠖之伸殆已冥心不圖黃紙之除
亦到青山之外伏念某自與少可所遭輒竒方仕之
萌蓋授經白鹿之洞維家之棘竟尼軼青牛之車意
塊北於此時已胚胎於茲事乃使環滁而讀醉亭之
記因遂臨淮而爲辯幕之賓時則議諸楸之不咸甚
至勤九重之有訓彼陸賈者本欲交歡平勃之間如
晁錯何適自取亡吳楚之削慨念一時之建白無慙

萬世之汗青以羣狐晝嗥之秋豈兩虎私鬪之日盍
棄尋常之隙具陳咫尺之書如能披肝膽而布腹心
物亦爲之感動或尚事形骸而分爾汝世自有於是
非于時然雍之言即授相如之簡文成數刻寧悞禍
機事繫三邊敢爲身計謂相檜以和叛清議謂賊檄
以和誤聖朝誰實主之患無大此猶記縉紳當日之
傳誦或塵冕旒乙夜之覽觀曾幾何時聞中國之相
司馬其孰爲罪殆彌天之釋道安用煩柱後之抨彈
追咎幕中之屬藁家客馬周所爲也豈惟趣召之今
無後世子雲必好之聊復解嘲而奚有益已屈平問
卜詹之歲曾微子公入帝城之書若將終焉何意今
者鶴警愚公之夢犬驚去婦之還所謂起公道於寂

寥之餘於此見盛世有清明之象茲蓋恭遇執政以
至公開衆賢之路以樂與立太平之基黃鍾鼓而萬
宇春地天交泰驚霆轟而羣蟄奮巖穴爲空肆令惟
悴之蹤亦在欣榮之數臺諫以至公杜羣枉以樂與
基太平某也忠某也回未嘗一日無君子之論孰當
陟孰當黜方以此身主吾道之盟是用包荒亦容連
茹某敢不拔除筆墨之崇摯歛山林之心三年不蜚
不鳴旣久知命義之戒百世而上而下方將求義理
之歸

謝丞相

子來幾日慨懷歸去之辭禮絕百僚敢意褒榮之字
妙鈞播於垓北粲神光之陸離永言藏之可謂遇矣

伏念某起於樵牧僻在山林古心古貌而讀古書自
忘其拙圓行圓言而應圓物要匪所長故雖碌碌以
無奇亦每落落而難合不自意揚州之役誰其誤老
子之知季鷹憶蓴菜而言還方且泣數行下何遜爲
梅花而再徃則已難頃刻畱顧女無醜好而見妬者
事之常然心有是非而頗異者機之駭吾亦從此逝
矣徑尋三逕之盟未嘗過而問焉恍隔十年之夢嗟
短檠其求棄倚長鋏而不彈會班文德以聽麻知董
戎昭而授鉞長者絕子子絕長者有邀元亮於道中
將軍負腹腹負將軍欲致石洪於幕下衆人固不識
也夫子可復許乎獨自傷驚餌之魚今安用乘軒之
鶴政恐重煩於指目亦嘗盡布其腹心迺勤翰墨之

光堅如金石之約豈兩魯生不至固亦博士之所羞
彼一范增何如未必楚王之能用至則間忌之入不
逃忖度之私蓋上賓自有於却超諒下客難容於毛
遂次不用言大不行道我則奚爲向以國士今以衆
人是殆宜去深鑿覆前之轍亟回輿盡之舟旣與世
以無緣因抗章而有請謂徑卧一丘而已足初不失
於屠羊惟曲成萬物而不遺將復充於振鷺粲然雲
朶來自日邊將令論著於道山仍畀潛華於卽省夫
何爲者有移光範之書止或尼之倍費化鈞之鑄仰
窺妙畫莫贊元工茲蓋恭遇學足以爲帝者師言足
以爲天下法治象如一陽之復迄回厄運於熙平兵
氛無半燧之驚坐寘邊陲於寧又念中國夷狄盛衰

之變在君子小人進退之間故凡夾袋之搜羅至飭
緹函而酬酢重念某已上有司之廩祿久稽莫府之
文書縱微我公厭薄之心寧免等輩嫌疑之跡天地
寬如有礙方知行路之難田園蕪胡不歸終覬還山
之樂敢因謝幅併控懇悰

又

某丐歸田里本爲出莫之謀需次江城更冒分麾之
寵苟有以藉口而去豈不勝強顏之多即日就塗再
旬祇舍相國之賜大矣今者其謂斯何亦曰求仁而
得仁在幾可止而則止蓋如某者慙以爲直執而無
權始爲建議而背之不忠未解公孫之詐與人商論
而不能下氣自取昌黎之窮儻非一轉於化鈞將必

重罹於謗焰吾在汶上矣今奚費於移文君薄淮陽
耶敢更陳於免積

南康到任謝廟堂

一麾江海敢圖縮戍之期三逕林丘莫遂投閑之請
言秣其馬式開我龜敢告至於鈞衡請具陳於竿牘
伏念某受命於獨許身何愚蠹魚之癖不除信書成
誤麋鹿之性故野與世絕踈但知惡元子之圓寧解
乞天孫之巧汲黯妄發或者亦多憚之李廣數奇不
過不得侯耳無可柰何莫中之辯盍歸乎來谷口之
耕徑削牘以丐祠幸出綸而予壘樵牧旣還其處所
禽魚皆覺其歡欣方將娛憂舒悲一發於詩政自伏
隩潛深無關於世使穆生去弗果安知不楚市之鉗

彼和氏泣矣為魯未毀荆山之璞乃起齊丘之戍已
傳張翰之歸詔恩弗許於辭行心口自為之相語晦
庵往矣寧復斯人廬山高哉妙絕天下將不負平生
之目且飽觀老子之書茲蓋恭遇以立道統為帝師
以聚人材為相業當端平琴瑟更張之始律呂調而
正聲諧及淳祐魚龍雜襲之餘雷霆轟而羣陰蟄天
開一泰公得衆賢不惟中朝無禱杌饕餮之儔亦欲
方國有渤海潁川之政還觀近者厥亦偉哉謂先儒
所藏書存而俗吏乃敗人意周濂溪幾傳至此每慨
思紹續之難范文正一筆勾之何柝去狼貪之勇遂
承人之乏夫豈材堪某敢不近戒覆車遠窺往躅第漁
取適遭於竭澤恐書癡無救於陋風祀菊賦成未免

有吁先生稱太守之誚蘭亭帖在蓋備聞以著廷還
即省之言其永寶之非敢望也

兩易邵武軍謝廟堂

同舟遇風其敢視人之溺鄰國為壑不虞按吏之遙
脫非覆幬以如天誰與轉移而易地其知自矣請具
陳之伏念某窮且益堅愚而自用當汲黯之妄發不
能為性命而忍須臾雖李廣之數竒未嘗以屈辱而
遽摧沮故知有是非不知有利害毋得罪笑獨寧得
罪高明平生所為每坐如此會守廬山之荒壘正臨
匯澤之重湖飛揚舳艫惟餽舟之湊集墮穴闌闐甚
羣盜之獻呼每挺刃以駭吾民至殺人而尸諸市可
為太息莫敢孰何豈惟雄霸之風乃見清平之世此

而不戢亂亦非難痛繩治之真是驅龍蛇而搏虎豹
稍懲艾矣幸無舞歎蹇而號狐狸獨有湖廣之綱梢
敢據康廬之石閘薄人於險竟致漂淪籲天何辜有
來赴愬然則爲之長者得不追而杖之夫奚禁黠吏
之單辭已觸權貴人之盛怒冠雖弊不以首履人謂
斯何水之激可使在山慮不及此其所謂之體統實
可駭於文移縱自卧上床使客卧下床未除豪氣然
君處北海寡人處南海胡涉吾疆驟騰劾奏之章重
費并包之度此蓋伏遇以皇極容受以大明照臨謂
爾湖廣謂我江東瞭然漢地理之志劾此鄰邦劾彼
朝士岌乎唐藩鎮之憂於其不得已之中示以聊復
爾之意蔽自密運薄言對移失一老兵得一老兵似

無傷於毫髮待以國士報以國士敢敬布其腹心尚
念某草茅之習固然萍梗之蹤方定若曰統臨之部
本無界限之分恐郡國難而朝廷處之亦難既江東
可則福建奚其不可畏首畏尾吾身餘幾誰云天地
之寬何褻何笠爾牧來思孰與山林之密敢因摧謝
併以懷祈

邵武軍到任謝廟堂

以柳易播盡出寬息自江入閩已祗遠戍謹曰老生
之直諒備知吾相之曲成庶幾此聲坐以無事蓋樵
外之爲郡多風波之悍民間馬及羊莫施鈎距帶牛
佩犢動以兵爭固嘗弄鋤梃而貽丙枕之憂至今解
綱紐而無甲令之懼真喜則人怒則獸之處屬方有

於小驚追車如棲馬如狗之來乃亡何而自定豈龔
遂能安渤海之盜豈汲黯能寢淮南之謀事有偶然
况如某者徒以柔不茹剛不吐或嚴憚之若夫用之
行舍之藏孰主張是比觸權貴人之怒已歌歸去來
之辭或曰自近移遠宜若貶然詎容堅卧如使以退
爲進是謂過矣必毋番行冒焉此來吁豈得已不圖
狂狷乃有聲梁楚之間或可輯寧俾無異魯鄒之俗
聞之道路相與誦言無犯有司是嘗折南陽帝親者
頗哀老子其將如癡兒官事何幸此危蹤轉而安跡
此盖伏遇以六經熙帝載以三代育人材不得中行
而與之寧使負草茅之氣吾見君子斯可矣毋令坐
口語之愆乃陶埴北之鈞不失却鄆之步某敢不愈

塞
堅苦節無縱詭隨所恃本朝清明直爲壯而曲爲老
罔使初心變化前日是而今非惟有拊摩是爲稱

秋崖先生小藁卷之十

啓

方

岳

巨山

通李帥制冬書

雷在地中復日增繡壁之紅子爲天之正春麗油幢
之碧若時龍綉式對麟符某官聲明黃鐘之和文物
清臺之瑞長嘯而却胡騎喜鯨海之波澄高卧而護
國門覺蜺旌之雲暖方勒勲於汗竹肆委貺於浮葭
瑀戈淑旗其視爾師鼯鼠已消於陰慝元衮赤舄入
趨王覲鳳凰遡覽於陽暉某辱出師墻遙瞻帥鉞紀
漢宮之迎至婁驚節物之崢嶸吹鄒律以破寒難旣
襟期之磊砢其爲系頌第劇蘊悰

通吳總鄉

子爲天之正日極南躔之景雷在地中復春連北斗
之魁喜緹室之律回覺總臺之雲麗某官天人三策
禮樂百年方排閭闔呈琅玕之奇鷓鷯集九霄之曉
迺蓋崑崙薄蓬萊而去貌貅飽萬竈之煙要不爲紙
上已陳之言姑將試胷中有用之學鼯鼠盡消於陰
慝聿逢副長之休鳳凰端覽於陽暉式對亨嘉之會
某遙瞻卿月丕戴使天吹鄒律以破寒覬放梅梢之
暖朝漢宮而迎至倚飛芝宇之香其若頌言莫殫襟
抱

通劉徽州

雷在地中復葭飛緹室之書子爲天之正梅浥練溪
之暖懽騰燕寢頌浹鯨尊某官聲明黃鍾之和文物
清臺之瑞朝崑崙夕元圃豈但曰一二千石之良左
浮丘右洪崖乃肯賦三十六峯之秀於穆袴襦之最
有來綸綍之褒坐而堯言進而舜趨已覺觚稜之天
近前有召父後有杜母何知戰衛之日長某式對亨
期丕承劉德紀漢宮之迎至婁驚節物之崢嶸吹鄒
律以破寒更探陽和之消息其爲瞻詠第劇蘊悰

通趙通判

驗長安之日五紋添弱線之紅瞻別駕之星一札奉
香泥之紫嘉亨之會副長惟休某官翹秀銀潢奉華
瑤海跨蓬萊而餐沆瀣要是斗南之人排閭闔而呈
琅玕自奏河東之賦練帶何煩於驥足綸褒已下於

螭頭七日而一陽生是爲天地之泰九遷而三節召式符朝野之需某端覽陽暉丕承陰賜春回鄒律易消窮谷之寒雲麗魯臺更放孤根之煖其爲系頌未易名言

通知縣

律應黃鍾之宮雲醜葭暖春到青山之縣雪沁梅清有嘉雙鳧鳥之飛端襲五鳳樓之喜某官民自得於彈琴之外治不出乎讀書之間羞崑崙薄蓬萊迺肯同於餘子呈琅玕器閭闔當不減於諸公倚催鳴玉之班丕對縮銅之最吾道亨矣想賡酬鸚鵡之杯帝曰俞哉其獻納鶴鴻之陞某分暉鄰壁馳頌慶庭吹鄒律以破寒莫旣襟期之磊砢紀漢宮之迎至第驚

節物之崢嶸

回黃黃州

強圉協洽之年剝餘必復上元甲子之曆陰極而陽敬諷葭室之春注勞竹樓之月共惟溫其愛日瑞則慶雲黃州冰雪之宵六宜在否赤壁風月之笛萬頃茫然式對迎長思皇受社某掉頭欲去拜手未能孤鶴橫江乃飛落東波之字一牛耕雨恐歸尋西崦之

回丘運使

繡壁春融有永漢宮之日緹函曉襲聿飛郇翰之雲佩雅意之相先愧頌言之已後此蓋某官文成唾玉誼重斷金惠我雙鯉魚共喜甘芬之錯落出呼五花

馬第驚節物之崢嶸

與丘運使

玉筦春回已動揚州之梅與霜臺雲煖遊飛詞掖之
芝香若時繁釐集我儒彥某官蒼壁之粹秀黃鍾之
函和消羣慝於六陰慨有澄清之略復亨期於七日
後陳平治之謨式對迎長於皇入覲某聞歡聲之旁
午嘉幸會於同寅贈我明月珠敬佩書紳之感報之
青玉案敢忘獻襪之銘

與宰執

曉奏觀臺蒼籙紀五雲之瑞暖回宮壁洪鈞轉一氣
之春維時元臣克受蕃祉某官履日月之會見天地
之心坐廟堂而進退百官盡消羣慝幹造化而開張
物潛復初陽茂迎帝景之長有衍丕圖之慶某屬
分柶寄進企階符天子之宰通神明諒臻純嘏太平
之期當今日式對亨嘉

與侍從

霽景浮空雲紀魯臺之瑞初陽襲冕春回鄒谷之寒
有禘禁班丕承帝賚某官蒼玉粹秀黃鍾函和擇一
中庸消群慝於六陰之極與衆君子致亨期於七日
之間嘉此迎長既多受趾某謬將使指莫賀賓榮煖
入孤根已動揚州之梅與曉傳殊渥喜聞詞掖之芝
香

回潘宰

魯臺書至幸來七日之亨潘縣回春已上三年之最

維時繪檢式對緹葭某官有水其相如日可愛暖入
丈三之景頌如之何徑排尺五之天會且歸矣某放
還山墅父典朝衣果章服揖上官要非間居者之事
登靈臺認雲物已候見上方之歸敢修記室之辭往
代掃門之禮

回諸郎

倬彼魯雲必書爲瑞溫其趙日可愛如春維周宗盟
自天第祿某官土圭之正玉琯之和于嗟麟兮式時
公姓衆維魚矣哀對天休福履綏之君子樂只某明
農未遂介壽無繇節物崢嶸第驚老朽文章爾雅徒
負褒榮不敏之辭何足以謝

回樞府

日行北陸六琯初飛雲麗西樞五兵不試於皇亞歲
克相明時某官舒爲慶雲溫如愛景顏氏之復萌動
一陽孔聖之時會逢千載與國無極對天之休某免
牘未俞慶函敢後耄及之矣惟有賦歸歌以訊之亟
其爰立善頌無斁德音不瑕

回從藩

天回候館葭室浮春地重价藩荷囊錫羨若時亞歲
衰對殊休某官一陽到方六氣純厚俗熙愛日暖入
榜襦操凜層冰蔚爲冠冕迎長有慶登最維良某退
然表蹤辱此華翰頌言無斁聊附回翔歸興甚濃第
增慙曳

回京尹

律回天統闡闔日長春治王畿觚稜雲暖思皇工尹
介爾邦休某官體備四時氣函六琯爲國咲舌於穆
論思滿腹精神適先彈壓萃只第祿昭哉蓋臣某老
亦何爲歸則甚力恍驚日至葭室陽生終必天從茅
簷曉曝未央感戢敢拜重勤

回殿巖

土圭襲景玉帳浮春有赫虎臣聿來麗社某官以國
心膂爲王爪牙羽林神兵闕其有勇觀臺雲物於鑠
我師某政爾感時遽勤飛朝瞻言推謝不盡銘藏

回朝士

黃宮氣應一線日長紫殿班回五色雲見端人萃只
吾道甚休某官凜有歲寒溫如愛景瑟彼葭琯陽長

陰消於察瑤林日光玉潔有邦之慶乘時以亨某退
然衰蹤辱此華問渠央感戢敢拜重勤

回監司

六琯雲飛有開亞歲一臺春郁於樂明時某官裛對
初陽導迎純嘏既書魯史非霧非煙宜布堯仁如天
如日某老驚節物愧見書辭槐位暮年屢陳耄矣茅
簷愛景終賦歸歟徒負頌言未央感戢

回鄭少傅

春浮緹室遄復新陽天啓經帷有皇舊弼帝王之學
造化同功某官治格端平身爲元氣至今化日宮線
屢添共後書雲袞衣再入與國無極對天之休某久
問歸期聿逢亞歲土圭莫測坤北無垠調鼎重來太

平有象於樂壽豈未央頌言

回楊郡王

日躔北陸肇正天元春入南陽聿連帝畹黃宮浮暖
紫極流暉某官一氣之和五雲之瑞爲國元舅自牧
以謙得易初爻不遠而復皇明所燭景福來同某父
欲垂車未遑削牘華星字字猥奉函書髮雪莖莖第
驚節物

回鄭監丞

愛景雪融黃宮初暖老僊雲卧白日自長諒深丙枕
之思寧久午橋之夢某方修襪頌遄奉緹函君子有
酒旨且多更履蟻泛治世之音安以樂式獲鳳儀

賀丞相

披芸生一陽初復柳舒梅放萬象皆春有皇播物
之仁盡入迎圭之景某官識參造化德備中和衆正
進而小人消君臣胥慶群陰退而吾道長天地開除
一氣洪鈞八荒壽域某貌爲宗翰莫望台符坤北無
垠但覺觀臺之雲暖太平有象永依化國之日長

又

天地開除一陽生而羣陰蟄國家閒暇衆正進而萬
象春某官行孔之時學顏之復經綸天緯有開剛長
之休闔闢神機盡屏私邪之沴皇明所燭景福來同
某貌是宗萃莫瞻台極春浮緹室已先南北之枝雲
爛袞衣徒跂東西之府

回景獻郎

一陽萌動緹室春浮萬象開張藩房天近有備亨嘉
之會聿開副長之期某官自牧以謙不遠而復溫其
趙百歛爲可愛之陽和倬彼魯雲要是太平之瑞氣
對天之祐與國同休某近別講臺遙瞻宗翰景長宮
壁喜添一卷之書暖入圭躔茂錫百朋之祉

回榮郎

日長宮壁已浮葭律之春天近藩房有鞞棟華之鄂
哀時之對與國同休某有事紫壇未瞻翠水忽狂五
雲之翰謙以先之又添一卷之書復其亨矣

回鄭丞相

天地開除一陽生而羣陰蟄國家開瑕衆正進而萬
春於赫休期相時元宰某官運璣衡於皇極熙宇

宙於洪鈞天下再太平一卦爻之消長治世小元祐
六律呂之中和有嘉捕物之仁盡入迎圭之景某官
從暫幕落在廬山南枝暖而北枝寒夫豈化工之意
陰氣剝而生氣復言觀坤北之春

秋崖先生小藁卷之十一

方

岳

巨山

啓

通州府年書

閭闔開黃道聿新鳳曆之元燕寢凝清香誕輯虎符
之瑞春融簇管頌浹椒盤某官氣函玉燭之和識造
璣衡之妙昔無襦而今袴汗青端紀於竹書言如絲
而出綸泥紫已塗於芝宇地天之泰朝野所需某三
見媿訾一歸塊坻雲深戟衛諒鳴璆蟻泛之春日轉
觚稜覲鏘珮鷄人之曉中和之詠熙皞惟均

通通判

春皇撫宇宙聿新鳳曆之元霽色滿乾坤誕輯熊轡

之瑞雲酣族管香沁椒盤某官氣函玉燭之和識造
璣衡之妙治中半刺史喜光風霽月之平分新安古
富州覺練水屏山之增麗於皇渙渥式對泰亨某三
見媿訾一歸塊北暖融泥軾諒鳴琴蟻泛之春晴轉
觚稜覲鏘珮鷄人之曉康沂之詠屬邑惟均

通教授

春皇撫宇宙聿新五鳳之元霽色滿乾坤誕輯三鱣
之瑞雲酣族管香沁椒盤某官發括山煙雨之奇滄
石門洞天之秀捕龍蛇搏虎豹駭觀昌黎竒怪之文
騎麒麟翳鳳凰雅有周公太平之畧倚歎紫綉羨彼
青規某遙逝匿犀敢忘傳鯉先生自此升矣春浮栢
葉之觴館下立而誨之雲麗槐陰之市衷丹所屬楮

素奚殫

通幕職

經謂一爲元珪曆更新於族管陽內三爲泰瓊琚盛
集於蓮池時若青規誕敷紫綉某官識造璣衡之妙
氣函玉燭之和幕府粹清不妨尋練水屏山之勝江
城寥沉豈久稽粉闈瑣闥之遊肆及正陽渙流春澤
某陸沉際底三易歲端浮蟻沁柏葉之香莫塵燕厦
朝馬踏梅花之月遙觀鵷墀其若衷丹難窮楮素

回王知軍

青旗催曉遙新鳳曆之端皂蓋班春誕輯虎符之瑞
某官慶流戟衛息浹邊城式遄尺一之需懋對茂三
之泰某濫塵烏幕肅奉魚書遙瞻竹使之華已後椒

花之頌

回諸縣

蒼龍易次青鳥司辰
透新花縣之春於穆椒盤之頌
某官政成三異仁及一同懋迎寅令之和丕輅庚牌
之召某未遑削牘猥辱飛緘願言調單父之音相與
布正王之澤

回丘憲

彼美青旂肇布王春之令於皇繡斧誕敷帝皞之仁
芝函與珪曆俱新簇管並玉花齊瑞某官奉行寬大
遠有光華一氣轉洪鈞催攬澄清之轡九天開黃道
遄歸禁近之班喜聞櫜馬之喧共候詔鷗之下某又
逢穀旦載頌椒盤分淮海之陽和有來雲朶搖甍湖

之明月徒想風期

回吳總侍

風轉青旂肇布王春之令天開紫橐談敷帝皞之仁
透有蕃釐介茲茂德某官星避南斗筆回東風才名
當世之少雙上虛佇之久矣江山天下之第一民歌
舞者再焉及此端辰幸來異數盍簪而喧櫜馬想忻
奉於潘輿飛墨而落詔鷗竚趣歸於漢殿某又逢穀
旦載頌椒盤北固樓臺正隔濤江之雪東皇宇宙幸
連淮海之雲願言節宣昭受渙澤惟精調於鼎食惟
亟尉於巖瞻

回潘宰

闔闔天高蒼籙開而一元始河陽地暖洪鈞轉而萬

象春維時獲端既多受祉某官大簇之動孟陬之和
妙彈單父之琴遄歸鳧鳥徑造承明之殿親發獸樽
某自放還山久不蓄饋壽之栢酒無手版之倒持寫
以竹書有背芒之若負

回景獻邨

輦路春回初鳴鷄人之曉藩房天近聿開麟趾之祥
恭惟與時偕亨維德是懋玩聖經之五始學以日新
會春王之三朝道隨元長地天之泰宗國同休某猥
乏見聞繆陪講習聞命幾何日矣乃今方堂帖之頒
往見猶未能焉是以後賓祭之賀

賀范丞相

鵠閣奮庸肇登宰揆麟經書始遄屆王正一元隨萬
化皆春羣動與三陽交泰共惟以大學爲相業以無
逸爲廟謨積陰開除形聲和而天地應衆正興起元
首明而股肱良有偉蒼祗歛時皇極某仰瞻翹館迥
隔叢霄新年賀太平共喜洪鈞之轉陽春布德澤式
顯寒谷之吹

荅程教賀正

歲在作噩天開用九之乾正于孟陬春洽內三之泰
聿來墨詔起我筆峯共惟有祕畫前無虛名下騎長
鱣而訪白精薄遊芥水之宮駕飛鳳以凌清當徑上
芸香之閣橫經何日用易一元某雲卧草亭風傳椒
頌千金裘五花馬莫酌樽酒之細論尺素書雙鯉魚
但愧故人之遠意

答景獻郎

歲紀旃蒙丕對一元之始晨趨閭闔有開萬象之春
於穆青陽介時朱邸恭惟制行信厚秉心塞淵載參
羲易之占履而後泰學謹麟經之法正次於王與宗
國以同休交天地而錫羨某嘗陪講席敢後慶函闕
矣晤言恍三山之如舊尚其問學與六籍以維新

秋崖先生小藁卷之十一

秋崖先生小藁卷之十二

方岳 巨山

啓

賀曹常卿

某伏讀贊書論躋宗伯文章宿老寧久法冠禮樂清
卿有華儒几蓋所謂景星鳳凰之瑞夫豈樂秋天鷗
鷗之爲乃宮秩宗新我頌典當使文物聲明之盛無
慙太平經制之書上意則然吾道幸甚某出無僮馬
坐隔顛屣招諸生齊魯之間則俎豆聞之矣致吾君
堯舜之上豈玉帛云乎哉嗣有綸言奚爲繇蕤

賀呂宗卿

恭審擢從烏府董正麟宗上帝鑒觀四方獨系隆於

我宋文王本支百世思篤叙於吾儒乃咨蹇蹇之王
臣糾合振振之公姓是皆法從有偉名卿非熊非羆
非虎非龜公望久矣如圭如璧如金如錫人快覩之
式顛詔草之頻增我社粉之重某喜於賀履出則無
卓猶未免鄉人豈惟可太息者六恥獨爲君子所賴
有違尊之三敢不彈冠倚須聽履

賀范尚書

伏讀贊書諭躋常伯太司空掌邦事頌觀風俗之淳
老成人有典刑自繫朝廷之重蓋以孔氏中庸之學
能立周家太平之基詔曰予虞時維汝翼謂朝不信
道工不信度允藉納言然入則有保出則有師薄聞
後命某彈冠以喜望履未遑歸來乎出無車亦正坐
焉歡之歎告之曰行有自且將送韓愈之窮敬於遠
離亟彈欣豫

賀吳閣學

伏覩邸函顯躋冊府二三謨典於皇繼序之傳百萬
甲兵增重提綱之寄遠通班於曳履殆舉國以彈冠
抑人有言方時多事共慨四郊之多壘遺君父憂誰
爲萬里之長城衛行在所表裏正茲於外禦本根尤
急於內寧惟浙東西在帝左右旣久紐安於畿甸曾
微穿朽之干戈顧今當艱難之時安可習承平之故
乃陞延閣誕詰戎兵雖以文章鳴國家固吾君之親
擢然而忠信爲甲冑非真儒而孰歸行矣登庸式宏
經濟其隔茲衣帶之水莫旅簪纓之塵不顯哉文王

謨喜峻直西清之邃歸來乎太公望豈久爲北固之
遊側耳思言馳心丈席

賀吳尚書

伏審峻陟文昌併提戎律統六師平邦國已折佛狸
窺江之萌方千里曰王畿要有虎豹在山之勢茲惟
上意允屬我公某嘉與薦紳誦傳綸綍今日之功成
於一儒者豈但羞武夫之顏長江之險可敵十萬人
自足破胡人之膽言觀王佐式濟時艱

賀程恭父

伏審令嗣凱奏橋門謹傳里閨鵲袍園聽已觀一半
之青犧畫橫陳遶解兩優之褐不負金籬之教子共
於璧水之得人某辱在契家白之叔氏仲孺有服難

歸賀慶之膳阿戎共談敢代緘膳之臆其如雀躍莫
既魚傳

賀徽倅葉校書

伏審夙駕緹屏聿臨練帶新安之山水太好要識行
秘書別駕之風月平分豈但半刺史聊復爾耳能久
此乎恭惟獨抱遺經追配古作故能奪多士之氣取
象魁三盖嘗登太微之庭去天天五胡以獲麟之筆
而監無懈之州如聞此來有欲爲王留行者雖曰小
屈焉能使予不遇哉頌紬金匱之藏亟侍玉皇之案
某柳橋一別苦塊三年素鞞已終曾索長安之米青
山無恙竟回剡曲之舟自憐赤谷之難春能到草堂
之幾日隔曲江之面幾若避於燕鴻寄盛山之詩尚

相忘於鷗鷺

賀葉秘書

竊諗宣室興思道山入直獨提麟筆兼史氏之三長
寢迹鰲扉異元都之再至每嘆南省第一人之選胡
爲東藩半刺史之淹盍歸乎來公論則爾恨見之晚
上意可知茲特起於借塗會立登於要路某辱居榜
下每在談間石渠天祿之得人爲斯文喜巖暝林扉
之留我有老圃存敢竊問於行期容重陳於別悃

賀景獻郎

恭審眷隆外郎思錫中闈石窈脂田都小君之美號
金花羅紙煥公族之殊榮壺則維嘉人倫以厚恭惟
學誨而德益進身正而家自齊親親賢賢不曰諸侯

王之子夫夫婦婦要皆士君子之風是有柔儀聿來
徽數某濫塵經席欣覩綸函雖微詩禮之漸磨但敬
閨門之雍穆

賀韓寺丞

伏審出綸中禁提舶外臺間廟堂選士大夫之廉惟
君侯可念郡國奪慈父母之愛如吾民何故其依戀
昔山情所以慶快者公道獨喜紫陽之大振必爲黃
山而小雷某三逕已荒二天猶在想鄉人卧轍共思
煙簑雨笠之春然舉世貧泉敢爲浪舶風帆之賀

賀王吏部

伏審使符作牧兵衛在行太微二十五星郎潛華甚
新安三十六岫公望久之敢告前驅寬予後至恭惟

淵深七澤洞達四窓早登詞翰之場如驅龍蛇而搏
虎豹自典文書之皮已騎麒麟而翳鳳凰方飄飄然
道家蓬萊之山殆駸駸乎其泉侍從之橐乃溯湖陰
而出節旋分邸寄而易麾豈其愛江水之至清淺深
見底或者念歲惡之不入農末皆傷誰手摩之民瘼
甚矣抑恐君相之意不先一州其歸報政之成寧淹
五月行春近只見晚謂何某白首寡諧青山獨往昔
侍同朝甚喜已勝萬戶之侯封今受一塵為氓真是
二天之我有敢無扣角仰跂巾車

賀程右司

伏審三節星馳九閔天近每慨吾鄉之氣數誰在帝
傍有如我公之聲光亦勞使傳久當召矣無以歸兮

諒自茲不出於都城將盡還大好之山水若文昌若
內翰不曰同姓為近乎有丞相有權臣則固易地皆
然耳切幸明公之衮衮頓回吾郡之寥寥其未免鄉
人欣聞邸報君命召不俟駕敢問行期帝賚解用作
霖遄觀制可

賀蔡憲

伏審饗廟之日召環自天貫索星沉已底特刑之績
絲綸詔下聿聯法從之班恭惟親得考亭之傳是為
名父之子政事自學問中出孰能禦之文章與氣節
相高又其餘者雖以蹇蹇而去國所謂拳拳於愛民
豈不爾思上固聖神之主取以自近朝多直諫之儒
其即問塗當毋埃駕某誦言盈耳喜懼交懷寧勿躍

然相傳司馬公用矣焉知來者能為李將軍地乎增
結私情敢忘公賀

賀吳總侍

伏審虎節建臺龜符抵籀大小馮之相代豈惟圖盛
事於衣冠東西總之迭為茲用分顧憂於旒宸有美
江山之第一共嘉國士之無雙波神胥舞於鶴舟春
氣肇開於鵠印歌謠載道想續劉常棟之碑香火滿
城當封寫凌煙之像斯民樂只於帝念哉某朋友同
倫兄弟異姓願言思伯訪戴之興勃然豈無他人依
劉之志遂矣式後錫瓊之珮晤言潭玉之山追數平
生莫踰此喜

賀李運使

伏審內班即潛外將使指參大都督軍諮之重為小
朝廷人物之英簡在帝心聿寧江面恭惟赫矣龍門
之望隱然虎石之威規姚姒而速莊騷豈但語言之
妙引夔龍而陳堯舜雅知籌策之良適戎馬之縱橫
賴木牛之飛輓乃進班於武部俾轉餉於兵屯文之
虎人之龍盍侍玉皇於香案東有猗西有虺乃煩金
節於江城言觀竹帛之勲亟下絲綸之詔某切依襟
帶頭拜履約貌貅宿萬竈之煙敢忘共濟鷓鷯集九
霄之曉政恐遄歸仰止高山有如此水

秋崖先生小藁卷之十三

啓

方

岳

巨山

賀袁太監

恭審渙發綸函晉陞繕監帝曰茲維師匠入紳金匱
之書時則有若儒宗無負玉璫之對夫以海內寡二
之學蚤收天下第一之科十年而到鳳池竊以為曉
五工之居雖正其謂斯何獨喜端人之登可為清朝
而賀恭惟緒守繫之訓親得慈湖之傳吾之心即
周孔之心曾何求於紙上所謂道非堯舜之道不以
陳於王前方其發諸詞章初無意於科目九萬里而
風在下矣計修程三千字而日未斜特其餘事出用

於世欲行所言第觀使指之將明夫豈儒效之迂闊
乘輅而講荒政溺由已溺飢由已飢駐車而談聖經
仁者謂仁智者謂智洪惟箕翼之魁宿端是青齊之
福星蓋其所懷之春或者不言而化人皆憚汲黯此
聲在江之東上不見賈生有詔自天而下若曰咸五
登三欲帝萬世鄉其襲六爲七作宋一經不然登繡
之勞曷究爾綸之藎其不量其贛敢誦所聞竊惟古
之共工皆有關於世變如制度之先樸將風俗之再
淳作大匠歲而獻諸朝尚何容喙讀梓人傳而知爲
相所願留情

賀高秘書

伏審綸綍起家旌麾載道帝讀蓬萊集歎其久去於

紫微天開會稽圖何至獨私於綠野妙有春風之句
雅宜煙雨之樓恭惟學該玉府之深藏筆捲銀河而
倒瀉舒翹揚英軫轄宇宙二十八宿之羅胸疏條緝
縹緲穿古今千數百年之在自上帝自晉而論譔太
乙下觀其校讐襲六爲七作一經無紙上已陳之語
自甲至丁凡四庫皆腹中有本之書方片雲遊物外
之心俄半夜動席前之問涇乘剡雪坐嘯括山此所
謂行秘書耶昔公安在如欲用真學士者舍我其誰
其髮種種以驚秋意寥寥其厄閨雖乏盍公清淨之
助當驅兒童立馬以迎郊如聞王褒中和之章喜與
父老買牛而耕墅

賀新守入郡

恭審肅駕朱幡儼臨畫戟先聲戒曉鼓角爲之精明
經氣浮春山川至於翔舞嘉與父老聳觀教條恭惟
以赤城之仙班傳紫垣之相印惟有是父有是子勲
名輝邁於常平其使吾君使吾民風俗再淳於堯舜
駿謂三十六峯之秀迺得一二千石之良視篆云初
置郵以喜某待將軍之約束前屬吏之驅馳登堂而
宣上德音坐見太平之官府下車而問民疾苦敢稽
簡靜之文書

賀謝刑部

恭審慶覃慈衆恩輯勲階天近兩轡親見五三之盛
泥香十錦式華千一之逢帝綈斯皇侯藩增重恭惟
昭回象緯峻極嶽靈如古大臣以所學乃伊河之學

思昔先正使吾君爲堯舜之君惟天佑于我邦將世
濟其賢業所謂金薤琳琅之美凜然玉壺冰露之寒
班紫禁之早朝疇不曰相門之相賦黃山而晚對何
獨爲詩人之詩方春洽於蕪香屬祥開於鼇極七十
古希有誕揚玉冊之暉二千石維良丕對瑤林之彥
肆繇明陟入奉都俞某嘉與斯民共陶熙旦厦成而
燕雀賀密依使竹之華韶作而鳳凰儀共宴毋桃之
壽

賀趙大資

恭審誕播制函峻班書殿真儒無敵於天下帝其寬
北顧之憂此虜已在於目中時則有東歸之喜於皇
王佐允穆宗工恭惟識際天人勲在杜稷蜚聲鞞鞞

於五緯有管夷吾則何患爲著書羽翼乎六經皆孔
安國所未到者惟其平生不爲紙上之學以故倉卒
能吐胃中之竒屬犬羊之不天鼓貔貅而畧地顧何
負於漢賊折尺箠而啓之所未下者聊城不遺鏃而
歸我方爲宗國無窮之計盡復寧人有指之疆誓將
挽九河以洗氛埃詎曰畫一江而限夷夏皇靈斯赫
儒效豈虛言觀疇昔之所成奚至今日而未相繫股
肱之寄在忠力當攄坐論之謨然道德之威成安強
正賴折衝之畧特異優崇之典陞華禁邃之庭增重
麟符眡儀鷗閣詞掖下綵綸之制蓋一命再命三命
而益恭太常兼鍾鼎之銘其大書特書屢書而未已
丕視功載厥有彝章靈夏未服而韓相行共倚琯戈

之重貝州旣平而潞公入遯觀几烏之還某嘉與斯
人鋪時偉績藏在盟府夫誰曰彭越之同功訊之司
宗抑豈比汾陽之異姓式徯介圭之觀具隆巖石之
瞻聞邊吏之戒殘胡洗甲兵而不用謂中國之相司
馬讀制冊而可知仰斗之私與江俱下

賀謝刑部

伏審陞華寶宇移瑱玉山碧草綠波殊鬱懋棠之父
老朱幡皂蓋已歌騎竹之兒童安得一語借寇君於
帝前正恐兩州爭杜公於境上去思之極喜躍伊何
恭惟書府斗牛相門星鳳夢池塘之草家自有於詩
聲鄙堦砌之蘭世共推於儒傑思昔先正時維鉅公
使吾君爲堯舜之君今猶被於宗社以所學皆周孔

之學端復在其子孫獨先生自取之廉有識者見謂
之屈婁乞一麾而去端飛五袴之誼方茲蹈德而詠
仁柰何奪此以與彼雖未覺雲霄之迥已頓驚分野
之殊恐開藩之未開不俟駕而歸覲前有召父後有
杜母賴拊摩凋瘵之餘坐而堯言進而舜趨竚獻納
熙恬之盛某猥誤袞袞之辱每虞錦製之傷鳴鳳凰
於高岡式俟九苞之瑞世徒鯤鵬於溟海莫隨六翮
之培風

賀高運使

伏審輟自鵷墀誕分虎節引星辰於碧落有開蜀道
之天將禮樂之皇華不遠長安之日竊窺帝意深有
廟謨若曰當宁思古名臣其維武侯爲時王佐每讀

出師之表無慙伊訓之書雖吳魏自裂而三分豈漢
賊可岐而兩立草廬所蘊竹簡莫傳蓋卧龍之勢匪
徒然繫流馬之運其小者乃睠西土而凜有遺跡寬
予北顧者詎無若人幸今天道之好還大快人情之
共憤何止扼亢而拊其背已焚老上之庭恨不食肉
而寢其皮爰戮防風之骨然亡胡之未幾方鄰鞞之
可憂試以唐書與五代史而攷之其見於中國亦三
百年而餘矣既犬羊之相啗曾蛇豕之無厭如使狂
嗥於封域之間奚啻寐於卧榻之側吾恐患方深
耳見謂一秦之復生公其起而圖之縱無百參而何
缺若然則朝家之委寄夫豈惟使者之將輸聞之縉
紳偉哉綸綍恭惟道山蓬萊之宵次楚澤雲臺之筆

端當其排閭闔而呈琅玕信已跨崑崙而餐沆瀣迺
煩視草出以飛芻意者復周土宇而興六月之師其
必張漢天聲而決千里之勝飽吾貔虎取彼鯨鯢折
尺箠而笞之不留賊以遺君父無隻輪之返者迄安
邊而立功名使鼎湖弓劍之藏與渭上木冠之廟王
氣開而天地闢妖氛掃而河洛清則多多益辦之勛
皆陳陳相因之助以故誦言乎諸葛不復比數於蕭
何某布所聞匪爲之佞逢此盛舉未嘗不歎曰江左
之有夷吾遲之幾何將亦相戒以中國之相司馬惟
抵掌而談天下之事敢折腰而及吾身之私其若翹
瞻莫殫忻頌

賀李制帥

恭審誕開制閭居守留臺南浦雲飛虎節占使星之
動北門天近麟符分卿月之暉於皇玉壘之威增重
金陵之勢帝意若曰時方顧憂盜亦吾民何至帶牛
而鬪起鞭爲黠虜幾欲牧馬而內窺使長江得人如
孤羆之據深叢則絕漠之域寧匪兇而率曠野繼我
宗彥維時人英恭惟風神肖老聃之仙文物孕長庚
之秀維弼畫河朔十三策每慨然於俎豆雍容之時
而敢爲小范有胷中百萬兵雖投之於羽檄交馳之
地而不亂粵從鷓陸出擁蜺旌遂令落霞飛鷺之墟
茂有明月吠龐之警乃睠陪京之重適司留鑰之嚴
俾盡護於列營諒聳聞於遐裔蠢彼小醜耳當折箠
而笞之如吾中原何且傳檄而定矣用底碧幢之績

遙觀赤烏之華江左有夷吾而復何憂允歸朝望中
國相司馬而無生事已折虜謀皇矣吾君偉哉此舉
某屬聞綸綍如拜麾旄人一天我獨二天覬重啖安
期之棗行百里半九十里適將熟楚戍之瓜寧少俟
於須臾幸毋忘於疇昔

賀劉寺丞

伏審夙戒麾符臨戰衛呈琅玕叫閭闔正聯星宿
之班羞崑崙薄蓬萊自求山水之郡此名此德甚盛
甚休恭惟玉篋黃鍾之函和瑤瑟朱絃之挺直雖不
為表標於議論之際要自有公是非顧未嘗標置於
名氏之間此所謂真道學蚤策勳於翰墨乃課最於
簿書州縣之職徒勞人荐出即官之率賢能之舉不

待次尚參計相之賓凡晉權萬貨之經與均會百工
之給皆未究其所蘊何厥聞之甚都龍左角為天田
肆陞華於九扈驟右駢者刺史訖自詭於一麾上若
曰古君子之儒時則入漢循吏之傳以去帝城不遠
耳冀潤九里而及京師然豈君相之意哉乃先一州
而後天下聞有迅召頤無疾驅某自守其迂見謂之
拙思昔中年之化今已在七不堪之中正復陽城之
生亦付之六太息而已過不自料勇為此來一用其
策之平平兩書其考之下下有人民有社稷久矣厚
顏為保障為蠶絲凜乎掣肘公既至止吾知兔夫披
雲霧而覩青天敢忘賀宴為草木而到赤地或可逢
春

賀李參政

恭審誕揚制冊參秉政機當聖賢馳驚之時聿思元老覲道德安強之效迄底丕平簡在帝心於皇廟論恭惟養其氣以剛大尊所聞而高明姚崇應變而宋璟守文兼負經綸之蘊元齡善謀而如晦能斷克成綜核之功自績武於樞筵茂結知於宸極明良千載仁義一言伊欲天下皆堯舜之民正以胷中有孔周之學會羽檄遙憂於丙枕宜鋒車趣駕於庚牌王曰歸哉舊弼爲中朝之望天其或者太平當今日之期邁觀介主入陪台袞共後巨川之濟式隆巖石之瞻泰階同符間兩柱以爲公輔神鼎增重有一德以享天心傾聽白麻登延黃閣某親逢盛事思見熙辰甲

兵之問不至廟堂蓋邊臣之至願忠信之言可行蠻貊惟公相之所爲嘉與函生悉歸陶冶

賀李簽樞

恭審望尊書殿位峻機庭惟吉士勸相我國家師言允穆用真儒無敵於天下虜膽已寒於赫聖謨有嘉王佐恭惟以二典之書鳴治世以三館之學儀清朝非堯舜不陳於前大吾君之無過將文武未墜於地幸斯道之有傳仁義一言明良千載式慶風雲之會聿臨樞斗之躔遭時多難屬望尤切繫華夏蠻貊罔不率其孰使然今左右國人皆曰賢必能辦此魯何患乎蛇豕當自靖夫鯨鯢蓋天開奠枕之期維日望止戈之武言觀偉績敬竚褒綸軍旅俎豆之事嘗聞

之正有關於輕重大尉丞相之尊則等耳行兼佩於
安危某傳誦制函鈞陶化治命將帥以衛國誓殫折
筮之勞修政事以攘夷傾聽借籌之畧具瞻巖石用
濟巨川

賀游禮書

恭審䟽恩曉殿正位春曹蜀第一人重見器能之諸
葛舜十六相最推典禮之伯夷朝有儒宗世知治象
恭惟藻藉五采之古作簫韶九成之正音言合稷契
謨合臯夔又罄忠嘉之沃窮則孔顏達則周召魯微
夷險之分自抱膝於隆中已傾心於天下乃班朝著
乃殿帥藩聲名隨風而流式慶明良之會議論決江
而下無非仁義之言丕揆國華屹爲時棟宗伯掌邦
禮諒新治世之彌文聖主得賢臣誕播鄉人之嘉頌
某欣聞綸綍相賀縉紳言觀孤鳳之暉敢贊雙魚之
素意之所屬言莫能殫

賀趙戶書

恭審進長地官增重天府六卿紫橐民部雖繁三輔
黃圖神京愈肅有偉綸函之播於昭黼座之知恭惟
奕矣銀潢粹然玉璞言語妙天下魯諸儒何以尚之
智略轅上前漢庭臣無出右者誕緝九畿之政密聯
八座之暉欲還春貢於地輿豈折秋毫於戶版尚書
爲國喉舌允釐帝輦之浩繁執政猶吾股肱遙仰台
垣之峻極某想聞晝接傾溪辰獻聿瞻聽履之班竊
有彈冠之喜敢忘傳鯉如對匪犀

賀許兵書

恭審渙敷周誥晉陟夏卿祈父王之爪牙盍釐九法
尚書帝之喉舌式綜五兵國有人焉民胥悅矣恭惟
筆掃單于之萬騎曾吞禹貢之九河挹翰林主人撮
入花輓之直列文昌司馬聿高荷橐之班遭時多難
屬望尤切若曰用真儒而天下無敵其惟進有德而
朝廷自尊得頗牧於禁中今何憂乎蛇豕玩羗夷於
掌上將自靖夫鯨鯢言觀偉績之無前咸曰褒綸之
已後某得之傳誦私以忻愉式遘孤鳳之暉敢贊雙
魚之素有言粗淺莫既精微

賀李吏書

恭審光奉贊書峻登文部思皇多士聿生綜核之朝

無競維人式董銓衡之選國有公是人能誦言恭惟
蔚然臯夔之謨洋乎晁董之對金華勸講非堯舜之
道則不陳玉匱緘辭編詩書之冊而無愧茂昭帝簡
備極儒榮乃顯四選之權獨處六曹之長咸造在庭
而褒爲首已推名世之賢仰惟前代而訓厥官遄正
冢司之拜某欣傳郵置敢後牋函諒藻鏡之餘間流
電巖之迅矚嗣聞除目庸快夙心

賀王右司

伏審丕承帝簡密贊宰衡子大夫入覲王庭魏冠儒
科之一左右司學爲丞相進聯台宿之三式負重名
茲惟妙選竊仰省曹之叢委適遭時事之艱難邊檄
縱橫而有桀驁之裔夷京輦尊嚴而有蕩焚之孽火

廟堂相語宗社爲懷是勤經濟之憂允賴彌綸之略
天將平治時乃疇咨恭惟文續古餘學到聖處以賢
良三策而爲舉首人快觀先起徒步數年而取封侯
上見嗟晚聿班台佐豈久卽潛歷觀政路之聯每補
侍臣之缺思皇寵渥遄卽禁塗某聞譽處之甚都讀
除書而相賀天下自此寧矣知省闈之有人主上注
意倚之想巖廊之無日其爲欣頌莫旣蘊悰

秋崖先生小藁卷之十三

